

摛藻堂四庫全書薈要

集部

欽定四庫全書會要卷一萬七千八百八集部

御定全唐詩卷四百三

元稹

酬東川李相公十六韻次用本韻并啓

稹啓今月十二日州吏迴伏受相公書示知小生
所獻和慈竹等詩闋達鑒覽不蒙罪退而又賜詩
一十韻并首序一百二十三言廢名位之常數比
朋友以字之飾揚涓埃投擲珠玉幸甚幸甚至於

廟議末學江花陋詞無不記在雅章以備光寵不
勝惶駭驚慙之至昔楚人始交必有乘車戴笠不
忘相揖之誓誠以為貴富不相忘之難也況貴賤
之隔不啻於車笠之相懸而相公投貺珍重又豈
唯一揖之容易哉稹獨何人享是嘉惠輒復牽課
拙劣酬獻所賜是猶百獸與鳳凰同舞於簫韶之
中各極其歡心耳又何暇自審其形容之不類哉
慶歲專人封用上獻死罪死罪謹啓

昔附赤霄羽歲蕤遊紫垣鬪班香案上奏語玉晨尊贊
直撩忌諱科儀懲傲頑自從真籍除棄置勿復論前時
共遊者日夕黃金軒請帝下巫覡八荒求我魂鸞鳳屢
鳴顧燕雀尚籬藩徒令霄漢外往往塵念存存念豈虛
設併投瓊與璠彈珠古所訝此用何太敦鄒律寒氣變
鄭琴祥景奔靈芝繞身出左右光彩繁碾玉無俗色蘂
珠非世言重慙前日句陋若猶並蓀臘月巴地雨瘴江
愁浪翻因持駭雞寶一照濁水昏

酬獨孤二十六送歸通州

此後至和樂天
三首並用本韻

再拜捧兄贈拜兄珍重言我有平生志臨別將具論十

歲慕倜儻愛白不愛昏寧愛寒切烈不愛暘溫暇二十

走獵騎三十遊海門憎免跳躍躍惡鵬黑翻翻鼈釣氣

方壯鶻拳心頗尊下觀翬翬輦一掃冀不存名冠壯士

籍功酬明主恩不然合音間身棄何況身上痕金石有銷

爍肺腑無寒溫分晝久已定波濤何足煩嘗希蘓門嘯

詎厭巴樹猿瘴水徒浩浩浮雲亦軒軒長歌莫長歎飲

斛莫飲樽生為醉鄉客死作達士魂

酬劉猛見送

種花有顏色異色即為妖養鳥惡羽翮剪翮不待高非
無剪傷者物性難自逃百足雖捷捷商羊亦翹翹伊余
狷然質謬入多士朝任氣有慢憇容身寡朋曹愚狂偶
似直靜僻非敢驕一為毫髮忤十載山川遙燼鐵不在
火割肌不在刀險心露山嶽流語翻波濤六尺安敢主
方寸由自調神劖土不蝕異布火不燒雖無二物姿庶

欲効一毫未能深蹙蹙多謝相勞勞去去我移馬遲遲
君過橋雲勢正橫壑江流初滿槽江槽楚語持此慰遠道此
之為舊交

酬樂天赴江州路上見寄三首

昔在京城心今在吳楚末千山道路險萬里音塵闊天
上參與商地上胡與越終天升沈異溝地網羅設心有
無联環腸有無繩結有結解不開有環尋不歇山嶽移
可盡江海塞可絕離恨若空虛窮年思不徹生莫強相

同相同會相別

襄陽大隄繞我向隄前住燭隨花豔來騎送朝雲去萬
竿高廟竹三月徐亭樹我昔憶君時君今懷我處有身
有離別無地無歧路風塵同古今人世勞新故

人亦有相愛我爾殊衆人朝朝寧不食日日願見君一
日不得見愁腸坐氤氳如何遠相失各自作萬里雲雲高
風苦多會合難遽因天上猶有礙何況地上身

郵竹

庭有蕭蕭竹門有閨閨騎囂靜本殊途因依偶同寄亭
亭乍干雲嫋嫋亦垂地人有異我心我無異人意

落月

落月沈餘影陰渠流暗光蚊聲靄窗戶螢火繞屋梁飛
幌翠雲薄新荷清露香不吟復不寐竟夕池水傍

高荷

種藕百餘根高荷纔四葉颺閃碧雲扇團圓青玉疊亭
亭自擡舉鴟鴟難藏摩不學著水荃一生長帖帖

和裴校書鷺鷺飛

鷺鷺何遽飛
鷗鷺雀噪難久依清江見底草一作華

堂在一點白光終不歸

夜池

荷葉團圓莖削削綠萍面上紅衣落滿池明月思啼螢

高屋無人風張去聲幕

酬楊司業十二兄早秋述情見寄

今春與楊兄會於馮翊數

日而別此

白髮故人少相逢意彌遠往事共銷沈前期各衰晚昨
來遇彌苦已復雲離歟秋草古膠庠寒沙廢宮宛知心
豈忘鮑詠懷難和阮壯志日蕭條那能競朝憊

代杭人作使君一朝去二首

使君一朝去遺愛在人口惠化境內春才名天下首為
問龔黃革兼能作詩否

使君一朝去斷腸如剗槧無復見冰壺唯應鏤金石自
此一州人生男盡名白

長慶歷

年歷復年歷卷盡悲且惜歷日何足悲但悲年運易年
年豈無歎此歎何唧唧所歎別此年永無長慶歷

順宗至德大聖大安孝皇帝挽歌詞三首

左拾遺時

作

不改延洪祚因成揖讓朝謳歌同戴啓遏密共思堯雨
露施恩廣梯航會蕡遙號弓那獨切曾感昔年招
前春文祖廟大舜嗣堯登及此踰年感還因是月崩壽

緣追孝促業在繼明興儉詔同今古山川繞灞陵

七月悲風起淒涼萬國人羽儀經巷內輶輶轉城闈暝色依陵早秋聲入輶新自嗟同草木不識永貞春

憲宗章武孝皇帝挽歌詞三首

賸部員外時作

國付重離後身隨十聖仙北辰移帝座西日到虞泉方丈言虛設華胥事眇然觸鱗曾在宥偏哭墮鬢前

天寶遺餘事元和盛聖功二凶梟帳下三叛斬都中

楊惠

琳李師道傳首京師劉闢始服沙陀虜方吞邏沙戎

沙陀

李錡吳元濟腰斬都市

突厥自元和
初始通中國狼星如要射猶有鼎湖弓

月落禁垣西星攢曉仗齊風傳宮漏苦雲拂羽儀低路
隘車千兩橋危馬萬蹄共嗟封石檢不為報功泥

恭王故太妃挽歌詞二首

校書郎時作

燕姞胎天夢梁王盡孝思雖從魏詔葬得用漢藩一作官

儀曆月殘光斂寒簫度曲遲平生奉恩地哀挽欲何之
文衛羅新墳仙娥掩暝山雪雲埋隴合簫鼓望城還寒
樹風難靜霜郊夜更閒哀榮深孝嗣儀表在河間

哭呂衡州六首

氣敵三人傑交深一紙書我投冰瑩眼君報水憐魚髀
股惟夸瘦膏肓豈暇除傷心死諸葛憂道不憂餘

望有經綸釣處牧宰相刀江文駕風遠雲貌接天高國
待球琳器家藏虎豹韜盡將千載寶埋入五原蒿

白馬雙旌隊青山八陣圖請纓期繫虜枕草誓捐軀勢
激三千壯年應四十無遙聞不瞑目非是不憐吳

鶻鷗生難敵沉檀死更香兒童喧巷市羸老哭碑堂鴈

起沙汀閣雲連海氣黃祝融峰上月幾照北人喪

迴鴈峰前鴈春迴盡却迴聯行四人去同葬一人來銚
吹臨江返城池隔霧開滿船深夜哭風棹楚猿哀

杜預春秋癖揚雄著述精在時兼不語終古定歸名未
水波文細湘江竹葉輕平生思風月潛寐若為情

僧如展及韋載同遊碧澗寺各賦詩予落句云
他生莫忘靈山座滿壁人名後會稀展共吟他
生之句因話釋氏緣會所以莫不悽然久之

不十日而展公長逝驚悼返覆則他生豈有
兆耶其間展公仍賦黃字五十韻飛札相示
予方屬和未畢自此不復撰成徒以四韻為
識

重吟前日他生句豈料踰旬便隔生會擬一來身塔下
無因共繞寺廊行紫毫飛札看猶濕黃字新詩和未成
縱使得如羊叔子不聞兼記舊交情

公安縣遠安寺水亭見展公題壁漂然淚流因

書四韻

碧澗去年會與師三兩人今來見題壁師已是前身芟
葉迎僧夏楊花度俗春空將數行淚灑偏塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路
百世長須此路行寄取一作記取

別孫村老人

寒食日

年年漸覺老人稀欲別孫翁淚滿衣未死不知何處去

此身終向此原歸

和樂天劉家花

閑坊靜曲同消日淚草傷花不為春徧問舊交零落盡
十人纔有兩三人

襄城驛二首

容州詩句在襄城幾度經過眼暫明今日重看滿衫淚
可憐名字已前生

憶昔萬株梨映竹遇逢黃令醉殘春梨枯竹盡黃令死

今日再一作載來衰病身

和樂天夢亡友劉太白同遊二首

君詩昨日到通州萬里知君一夢劉閒坐思量小來事
祇應元是夢中遊

老來東郡復西州行處生塵為喪劉縱使劉君魂魄在
也應至死不同遊

酬樂天見憶兼傷仲遠

死別重泉闊生離萬里賒瘴侵新病骨夢到故人家遙

淚陳根草間收落地花瘦公樓悵望巴子國生涯河任
天然曲江隨峽勢斜與君皆直贊須分老泥一作沙

與樂天同葬杓直

元伯來相葬山濤誓撫孤不知他日事兼得似君無

御定全唐詩卷四百三

欽定四庫全書
欽定全唐詩卷一百四

御定全唐詩卷一百四

元稹

夜間

此後並
悼亡

感極都無夢魂銷轉易驚風簾半鈞落秋月滿床明悵
望臨階坐沈吟遼樹行孤琴在幽匣時迸斷弦聲

感小株夜合

纖幹未盈把高條纔過眉不禁風苦動偏受露先萎不

分秋同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉
半夜覺來聞哭聲

追昔遊

謝傅堂前音樂和狗兒吹笛贍娘歌花園欲盛千場飲
水閣初成百度過醉摘櫻桃投小玉嬾梳叢鬢舞曹婆
再來門館唯相弔風落秋池紅葉多

空屋題

十月十
四日夜

朝從空屋裏騎馬入空臺盡日推閒事還歸空屋來月
明穿暗隙燈燼落殘灰更想咸陽道魂車昨夜回

初寒夜寄盧子蒙

月是陰秋鏡寒為寂寞資輕寒酒醒後斜月枕前時倚
壁思閒事回燈檢舊詩聞君亦同病終夜遠相悲

城外回謝子蒙見諭

十里撫柩別一身騎馬回寒煙半堂影燼火滿庭灰稚

女憑人問病夫空自哀潘安寄新詠仍是夜深來

諭子蒙

撫稚君休感無兒我不傷片雲離岫遠雙鶯念巢忙大
壑誰非水華星各自光但令長有酒何必謝家莊

遣悲懷三首

謝公最小偏憐女嫁與黠妻百事乖顧我無衣搜畫篋
泥他沽酒拔金釵野蔬充膳甘長藿落葉添薪仰古槐
今日俸錢過十萬與君營奠復營齋畫篋一作蓋篋

昔日戲言身後意今朝皆到眼前來衣裳已施行看盡
針線猶存未忍開尚想舊情憐婢僕也曾因夢送錢財
誠知此恨人人有貧賤夫妻百事哀

閒坐悲君亦自悲百年都是幾多時鄧攸無子尋知命
潘岳悼亡猶費詞同穴窅冥何所望他生緣會更難期
唯將終夜長開眼報答平生未展眉

旅眠

內外都無隔帷屏不復張夜眠兼容坐同在火爐床

除夜

憶昔歲除夜見君花燭前今宵祝文上重疊叙新年閒處低聲哭空堂背月眠傷心小兒女撩亂火堆邊

感夢

行吟坐歎知何極影絕魂銷動隔年今夜商山館中夢分明同在後堂前

合衣寢

良夕背燈坐方成合衣寢酒醉夜未闌幾回顛倒枕

竹簾

竹簾襯重茵未忍都令卷憶昨初來日看君自施展

聽庾及之彈烏夜啼引

君彈烏夜啼我傳樂府解去聲古題良人在獄妻在閨官

家欲赦烏報妻烏前再拜淚如雨烏作哀聲妻暗語後人寫出烏啼引吳調哀弦聲楚楚四五年前作拾遺諫書不密丞相知謫官詔下吏驅遣身作囚拘妻在遠歸來相見淚如珠唯說閒宵長拜烏君來到舍是烏力粧

點烏盤邀女巫今君為我千萬彈烏啼啄啄淚瀾瀾感
君此曲有深意昨日烏啼桐葉墜當時為我賽烏人死
葬咸陽原上地

夢井

夢上高高原原上有深井登高意枯渴願見深泉冷裴
回遠井顧自照泉中影沈浮落井瓶井上無懸綆念此
瓶欲沈荒忙為求請遍入原上村村空犬仍猛還來遶
井哭哭聲通復哽哽噎夢忽驚覺來房舍靜燈燭碧朧

朧淚光凝問問鍾聲夜方半坐臥心難整忽憶咸陽原
荒田萬餘頃土厚墳亦深埋魂在深埂埂深安可越魂
通有時逞今宵泉下人化作瓶相憬感此涕汎瀾汎瀾
涕霑領所傷覺夢間便覺死生境豈無同穴期生期諒
綿永又恐前後魂安能兩知省尋環意無極坐見天將
炳吟此夢井詩春朝好光景

江陵三夢

平生每相夢不省兩相知況乃幽明隔夢魂徒爾為情

知夢無益非夢見何期今夕亦何夕夢君相見時依稀
舊粧服掩淡昔容儀不道間生死但言將別離分張碎
針線禡疊故幘幃撫稚再三囑淚珠千萬垂囑云唯此
女自歎總無兒尚念嬌且駛未禁寒與飢君復不喜事
奉身猶脫遺況有官縛束安能長顧私他人生間別婢
僕多謾欺君在或有託出門當付誰言罷泣幽噎我亦
涕淋漓驚悲忽然寤坐臥若狂癡月影半床黑蟲聲幽
草移心魂生次第覺夢久自疑寂默深想像淚下如流

漸百年永已訣一夢何太悲悲君所嬌女棄置不我隨
長安遠於日山川雲間之縱我生羽翼網羅生繁維今
宵淚零落半為生別滋感君下泉魄動我臨川思一水
不可越黃泉況無涯此懷何由極此夢何由追坐見天
欲曙江風吟樹枝

古原三丈穴深葬一枝瓊崩剝山門壞煙綿墳草生久
依荒隴坐却望遠村行驚覺滿床月風波江上聲
君骨久為土我心長似灰百年何處盡三夜夢中來逝

水良已矣行雲安在哉坐看朝日出衆鳥雙裴回

張舊蚊幘

踰年間生死千里曠南北家居無見期況乃異鄉國破
盡裁縫衣忘收遺翰墨獨有纈紗幘憑人遠攜得施張
合歡榻展卷雙鴛翼已矣長空虛依然舊顏色衰回將
就寢徙倚情何極昔透香田田今無魂惻惻隙穿斜月
照燈背空床黑達理強開懷夢啼還過臆平生貧寡歡
天枉勞苦憶我亦距幾時胡為自摧逼燭蛾焰中舞璽

既蠶叢上織，熑爛各自求。
他人顧何力，多離因苟合。
惡影當務息，往事勿復言。
將來幸前識。

獨夜傷懷贈呈張侍御

張生近
妻

燼火孤星滅，殘燈寸焰明。
竹風吹面冷，簷雪墜階聲。
鶴連天叫寒，雉徹夜驚。
祇應張侍御，潛會我心情。

六年春遣懷八首

傷禽我是籠中鶴，沈劖君為泉下龍。
重續猶存孤枕在，春衫無復舊裁縫。

檢得舊書三四紙高低閣狹粗一作但成行自言併食尋

高事唯念山深驛路長

公無渡河音響絕已隔前春復去秋今日閒窗拂塵土

殘弦猶迸鉏一作箜篌

婢僕曬君餘服用嬌癡稚女遶床行玉梳鉏朵香膠解
盡日風吹璫珮箏

伴客銷愁長日飲偶然乘興便醺醺怪來醒後傍人泣
醉裏時時錯問君

我隨楚澤波中梗

一作水

君作咸陽泉下泥

百事無心值

寒食身將稚女帳前啼

童稚癡狂撩亂走繡毬花仗滿堂前病身一到總惟下
還向臨階背日眠

小於潘岳頭先白學取莊周淚莫多止竟悲君須自省
川流前後各風波

答友封見贈

荀令香銷潘簾空悼亡詩滿舊屏風扶床小女君先識

應為些些似外翁

夢成之

燭暗船風獨夢驚
夢君頻問向南行
覺來不語到明坐
一夜洞庭湖水聲

哭小女降真

雨點輕漚風復驚
偶來何事去何情
浮生未到無生地
暫到人間又一生

哭女樊

秋天淨綠月分明何事巴猿不臘鳴應是一聲腸斷去
不容啼到第三聲

哭女樊四十韻

虢州長史時作

逝者何由見中人未達情馬無生角望猿有斷腸鳴去
伴投遐徼來隨夢險程四年巴養育萬里硖回縈病是
他鄉染魂應遠處驚山魈邪亂一作去逼沙虱毒潛嬰母
約幼一作看寧辨余慵療不精欲尋方次第俄值疾充盈
燈火徒相守香花祇浪擎蓮初開月梵舜已落朝榮魄

散雲

一作將盡形全玉尚瑩空垂兩行血深送一枝瓊

祕祝休巫覡安眠放使令舊衣和篋施殘藥滿甌傾乳

媼閑於社醫僧婉

一作似醒憫渠身覺賸

一作深覺瘠

訝

一作病

訝

一作迷

過影

一作迷

過影

佛力難爭騎竹癡猶子牽車小外甥等長

一作間

一作迷

過影

一作迷

過影

一作迷

過影

一作迷

過影

遙戲誤啼聲涴紙傷餘畫扶床念試行獨留呵面鏡誰

美倚牆

箏憶昨工言語憐初妙長成撩風妬

一作拓

一作鸚舌

一作迷

過影

一作迷

過影

一作迷

凌露

一作霜

觸蘭英翠鳳輿真女紅蕖捧化生祇憂嫌五

濁終恐向三清宿惡諸葷味懸知衆物名

生而不食葷

血虎豹狨猿

等皮毛盡惡斥之巴南所無之環從枯樹得經認寶函
物及北而默識其名者數輩

環從枯樹得經認寶函

盛慍怒偏憎數分張雅愛平最憐一作矜 貪栗妹頻救嬾

貪栗妹頻救嬾

書兄為占嬌餽分良多眷戀誠別常回面泣歸定出門

迎解怪還家晚長將遠信呈說人偷罪過要我抱縱橫

騰蹋遊江舫攀緣看樂棚和蠻歌字拗學妓舞腰輕迢

遙離荒服提一作持 携到近京未容誇伎俩唯恨枉聰明

往緒心千結新絲鬢百莖暗窗風報曉秋幌雨聞更敗

董侍郎官吏易皮裘或七巾品色矣乃自是亥是

杜甫詩食考本列卷之止中臣主江右作吳孟思

哭子十首

翰林學士時作

維鶴受刺因吾過得馬生災念爾冤獨在中庭倚閒樹
亂蟬嘶噪欲黃昏

纔能辨別東西位未解分
明管帶身自食自眠猶未得
九重泉路託一作記何人

爾母溺情連夜哭我身
因事有時悲鍾聲欲絕東方動
便是尋常上學時

蓮花上品生真界兜率天中離世途
彼此業緣多障礙

不知還得見兒無

節量梨栗愁生疾教示詩書望早成鞭朴校多憐校少
又緣遺恨哭三聲

深嗟爾更無兄弟自歎予應絕子孫寂寞講堂基址在
何人車馬入高門

往年鬢已同潘岳垂老年教

一作天教

作鄧攸煩惱數中除

一事自茲無復子孫憂

壬午年竟口可見人生日已蜀辰月肖星之 一作來象

爾母夜深和淚有經聲

烏生八子今無七猿叫三聲月正孤寂寞空堂天欲曙
拂簾雙燕引新雛

頻頻子落長江水夜夜巢邊舊處棲若是愁腸終不斷
一年添得一聲啼

感逝

浙東

頭白夫妻分無子誰令蘭夢感衰翁三聲啼婦臥床上
一寸斷腸埋土中蜩甲暗枯秋葉墜燕雛新去夜巢空

情知此恨人皆有應與暮年心不同

妻滿月日相唁

十月辛勤一月悲今朝相見淚淋漓狂風落盡莫惆悵
猶勝因花壓折枝



御定全唐詩卷四百四



總校官庶吉士臣張能照
校對官檢討臣蕭九成

謄錄舉人臣郭棣泰

欽定四庫全書會要

集部

御定全唐詩卷四百八

五至

臣紀昀詳校

詳校官候補道司經歷臣郭祚熾

欽定四庫全書
舊要卷一萬七千八百十

集部

御定全唐詩卷四百五

元稹

代曲江老人

時年十六

何
事
花
前
泣
曾
逢
舊
日
春
先
皇
初
在
鎬
賤
子
正
遊
秦
撥
亂
干
戈
後
經
文
禮
樂
辰
徽
章
懸
象
魏
貌
虎
畫
騏
麟
光
武
休
言
戰
唐
堯
念
睦
姻
琳
瑯
鋪
柱
礎
葛
藟
茂
河
潰
尚
齒
惇
耆
艾
搜
材
拔
積
薪
裴
王
持
藻
鏡
姚
宋
幹
陶
鈞
內
史
稱
張

敝蒼生借寇恂名卿唯講德命士恥憂貧杞梓無遺用

芻蕘不忘詢懸金收逸驥鼓瑟薦嘉賓羽翼背隨鳳圭

璋一作瑜連肯雜一作稱

珉班行容濟濟文質道彬彬百度依

皇極千門闢紫宸措

一作理

刑非苟簡稽古蹈因循書謬

偏求伏詩亡遠聽申雄推

一作繼登

三虎賈羣擢八龍荀海

外恩方洽寰中教不泯儒林精間奧流品重清淳

一作儒林履盡清淳

天淨三光麗時和四序均卑官休力役蠲賦

一同異冠履盡清淳

賦

免一作職

少

艱辛蠻貊同車軌鄉原盡里仁帝途高蕩蕩

風俗厚閭閻一作暇一作忙忙秋

日耕耘足豐年雨露頻戍煙

生不見村豎老猶純未耜勤千畝牲牢奉六禋南郊禮

天地東野闢原畇校獵求初吉先農卜上寅萬方來合

雜五色瑞輪囷池籞呈朱鴈壇場得白麟酌金光照耀

奠璧綵璘玢掉蕩雲門發蹠躡鷺羽振集靈撞玉磬和

鼓奏金鑄建簾崇牙盛銜鐘獸目嗔總干形屹峙戛敔

背嶙峋文物千官會夷音九部陳魚龍華外戲歌舞洛

中嬪佳節修酺禮非時宴侍臣梨園明月夜花萼豔陽

晨李杜詩篇敵蘇張筆力勻樂章輕鮑照碑板笑顏竣
泰嶽陪封禪汾陰頌鬼神星移逐西顧風暖助東巡洛
德留湯谷蒐畋過渭濱沸天雷殷殷匝地轂轔轔沃土
心逾熾豪家禮漸湮老農羞荷鋤貪賈學垂紳曲藝爭
工巧彫機變組紃青鳬連不解紅粟朽相因山澤長孳
貨梯航競獻珍翠毛開越雋龍眼弊一作甌閩玉饌薪
然蠟椒房燭用銀銅山供橫賜金屋貯宜噴班女恩移
趙思王賦感甄輝光隨顧步生死屬搖胥世族功勲久

王姬寵愛親街衢連甲第冠蓋擁朱輪大道垂珠箔當
壚踏錦茵軒車隘南陌鐘磬滿西鄰出入張公子驕奢
石季倫雞場潛介羽馬埒並揚塵韜袖誇狐腋弓弦尚
鹿膾紫條牽白犬繡韞被一作鵠覆
一作錦花駔箭倒南山虎鷹
擒東郭兔翻身迎過鴈脰肘一作坐射取迴鶻竟蓄朱公產
爭藏邴氏緺橋桃矜馬驚倚頓數牛獐一作金銀盤鬪冬中
非羨憐遠處尊萬錢纔下筋五般一作醡未稱醇曲水閒

銷流觴

一作

日倡樓

一作

優

醉度旬

探丸

依郭解

投轄

伴陳遵

共謂長之一作安

泰那知遽構屯姦心興桀黠凶醜比頑

嚚斗柄侵妖彗天泉化逆鱗背一作貸

恩欺一作歎

乃祖連

禍及吾民黎猶當前路鯨鯢得要津王師纔一作業業

暴卒已簪簪雜虜同謀夏宗周斃去幽陵園深暮景霜

露下秋旻鳳闕悲巢鵠行亂野麌華林荒茂草寒竹

碎貞筠村落空垣壞城隍舊井堙破船沉古渡戰鬼聚

陰燐振臂誰相應攢眉獨不伸毀容懷赤紱泥跡戴黃

巾木梗隨波蕩桃源數隱淪弟兄書信斷鷗鷺往來馴

忽遇山光澈遙瞻海氣真祕圖推廢王後聖合經綸野
杏渾休植幽蘭不復紉但驚心憤憤誰戀水鄰鄰盡室
離深洞輕橈盪小艤殷勤題白石悵望出青蘋夢寐平
生在經過處所新阮郎迷里巷遼鶴記城闥虛過休明
代旋為朽病身勞生常矻矻語舊苦諄諄晚歲多衰柳
先秋颯大椿眼前年少客無復昔時人

開元觀閒居酬吳士矩侍御三十韻

中有問行
藏求藥物

之句 八時作十

靜習狂心盡幽居道氣添神編啓黃簡祕籙捧朱籤爛
熪煙霞駐優游歲序淹登壇擁旄節趨殿禮胡鬚殿有明皇
真醮起彤廷燭香開白玉匣結盟金劒重斬魅寶刀銛
禹步星綱動焚符竈鬼簷冥搜呼直使章奏役飛廉仙
籍聊憑檢浮名復為占赤誠祈皓鶴綠髮代青鯢虛室
常懷素玄關屢引枯貂蟬徒自寵鷗鷺不相嫌始悟身
為患唯欣祿未恬一作沾龜龍戀淮海雞犬傍閭閻松笠
新偏翠山峰遠更尖簫聲吟茂竹虹影逗虛簷初日先

通牖輕颺每透簾露盤朝滴滴鉤月夜纖纖已得餐霞
味應嗤食蓼甜工琴閒度晝耽酒醉銷炎几案隨宜設
詩書逐便拈灌園多抱甕刈藿乍腰鎌野鳥終難繫鷁
鶴本易厭風高雲遠逝波駭鯉深潛邱第過從隔蓬壺
夢寐瞻所希顏頗練誰恨突無黔思拙慙圭璧詞煩雜
米鹽諭錐言太小求藥意何謙來句有永懸沾藥
犬多謝出囊錐語默

君休問行藏我詎兼狂歌終此曲情盡口長箱

病減逢春期白二十二辛大不至十韻

校書郎時作

病與窮陰退春從血氣生寒膚漸舒展陽脈乍虛盈就
日臨堦坐扶牀履地行問人知面瘦祝鳥願身輕風暖
牽詩興時新變賣聲飢餓看藥忌閒悶點書名舊雪依
深竹微和動早萌推遷悲往事疎數辨交情琴待嵇中
散杯思阮步兵世間除却病何者不營營

黃明府詩

并序

小年曾於解縣連月飲酒予嘗為觥錄事曾於竇
少府廳中有一人後至頻犯語令連飛十二觥不

勝其困逃席而去醒後問人前虞鄉黃丞也此後
絕不復知元和四年三月予奉使東川十六日至
褒城東數里遙望驛亭前有大池樓榭甚盛逡巡
有黃明府見迎瞻其形容鬢髮似識問其前銜即
襄時之時一作日無之字逃席黃丞也說向前事黃生惆
然而寤因餽酒一槽艤舟請予同載予不免一作違

其意與之盡歡徧問座隅山川則曰又褒次其右
紀事作徧問褒陽山水則褒姒所奔之城在其左諸葛所征之路在其右感今懷古作

黃明府詩云

少年曾痛飲黃令苦飛觥席上當時走馬前今日迎依
稀迷姓氏積漸識平生故友身皆遠他鄉眼暫明便邀
連榻坐兼共榜船行酒思臨風亂霜稜埽拂一作地平不

堪深淺酌貪愴古今情遷迤七盤路坡陁數丈城花疑
寢女笑棧想武侯征一種埋幽石老閒紀事作空間千載名

酬翰林白學士代書一百韻

并序江陵時作此後

玄元氏之下元日會予家居至枉樂天代書詩一

百韻鴻洞草犖令人興起心情且置別書美予前
和七章章次用本韻韻同意殊謂為工巧前古韻
耳不足難之今復次排百韻以答懷思之貺云

昔歲俱充賦同年遇有司八人稱迴拔兩郡濫相知年

八人樂天拔萃登科于平判入等逸驥初翻步鞚鷹暫脫羈遠途憂地

窄高視覺天卑並入紅蘭署偏親白玉規近朱憐冉冉
伐木願偲偲魚魯非難識鉛黃自嬾持心輕馬融帳謀
奪子房惟秀發幽巖電清澄隘岸陂九霄排直上萬里

整前期勇贈棲鶯句慙當古井詩

予贈樂天詩云皎彼
寫鳳姿樂天贈予詩

云無波
古井水

多聞全受益擇善頗相師脫俗殊常調潛工大

有為還醇憑耐酒運智託園葵情會招車胤閑行覓戴

達僧餐月燈閣釀宴劫灰池

予與樂天杓直拒非輩多
於月燈閣遼又嘗與祕

省同官醴勝槩爭先到篇章競出奇輸贏論破的點竄

宴昆明池

昔予賦詩云為見牆
頭拂面花時唯樂天

肯容絲山岫當街翠牆花拂面枝

知鶯聲愛嬌小燕翼翫逶迤轡為逢車緩鞭緣趁伴施
密攜長上樂偷宿靜坊姬僻性慵朝起新晴助晚嬉相
密

歡常滿目別處鮮開眉翰墨題名盡光陰聽話移

樂天與

予游從無不書名屋壁又嘗於新昌宅說一枝花話自寅至巳猶未畢詞也

綠袍因醉典烏

帽逆風遺暗插輕籌箸仍提小屈卮

予有簾簾草箸筋小盞酒胡之輩當

時嘗在書囊以供飲備

本絃纏一舉下口已三遲逃席衝門出歸

倡借聲

去

馬騎狂歌繁節亂醉舞半衫垂散漫紛長薄邀

遮守隘岐幾遭朝士笑兼任巷童隨苟務形骸達渾將

性命摧何曾愛官序不省計家資忽悟成虛擲翻然歎

未宜使回耽樂事堅赴策賢時寢食都忘倦園廬遂絕

閼勞神甘慇懃攻短過孜孜無怯穿楊箭囊藏透頽錐

超遙望雲雨擺落占泉坻略削荒涼苑搜求激直詞那

能作牛後更擬助洪基

舊說制策皆以惡訏取容為美
予與樂天指病危言不顧成敗

意在決求高等初就業時今裴相公戒予慎勿以策苑
為美予深佩其言然而怪其多大擬取有以取遂切求
潛覽功及累月無所獲先是穆員盧景亮同年應制俱
以詞直見黜予求獲其策皆手自寫之置在筐篋樂天
捐之輩常詛予筐中有不第之僭也唱第聽雞集趨朝忘馬
祥而又哂予決求高第之僭也

唱第聽雞集趨朝忘馬

疲內人輿御案朝景麗神旗首被呼名姓多懸冠等衰
千官容眷盼五色照離披鶴侶從茲洽鷗情轉自縻分

張殊品命中外却驅馳出入稱金籍東西侍碧墀鬪班
雲沟湧開扇雉參差切愧尋常質親瞻咫尺姿日輪光
照耀龍服瑞歲蕤誓欲通愚謇生憎效嗟伊佞性存真妾
婦諫死是男兒便殿承偏召權臣懼撓私廟堂雖稷契
城社有狐狸似錦言應巧如弦數易欺敢嗟身暫黜所
恨政無毗予元和元年任拾遺八十二日謬辱良由此
延英對九月十三貶授河南尉

老未萎乍能還帝笏詎忍折

音浙

吾支虎尾元來險圭丈

却穎痴浮榮齊壞芥閒氣詠江離闕下殷勤拜樽前嘯

傲辭飄沈委蓬梗忠信敵蠻夷戲誚青雲驛譏題皓髮

祠

予途中作青雲驛詩病其雲泥一致作四皓廟詩譏其出處不常

貪過谷隱寺留讀峴

山碑

寺在亭側

草沒章臺趾隄橫楚澤涓野蓮侵稻隴亞柳

壓城陴遇物傷凋換登樓思漫瀰金攢嫩橙子堅泛遠

鷓鴣仰竹藤纏屋苦茆荻補籬

南人以大竹為瓦用荻為籬也

麪梨通

帶朽火米帶芒炊

麪梨軟爛無味火米粗糲不精

葷筍鍼筒束鮆魚箭

羽髻芋羨真底可鱸鱠漫勞思北渚銷魂望南風著骨

吹度梅衣色漬食稗馬蹄羸

南方衣服經夏謂之度梅顏色盡黑馬食蒜蔥蓋北

地
祿
院
之
屬 檻和泥鹹官酤小麴醻訛音煩繳繞輕去俗

醜威儀樹罕貞心柏畦豐衛足葵坳窪饒踵矮游惰壓

庸縕病賽烏稱鬼巫占瓦代龜

南人染病競賽烏鬼連楚巫列肆悉賣瓦卜

陰蠅張王瘴瘡雪治醫

雨中井作蛙池終冬往往無雪

我正窮於是君

寧念及茲一篇從日下雙鯉送天涯坐捧迷前席行吟忘結綦匡床鋪錯繡几案踢靈芝形影同初合參商喻

此離扇因秋棄置鏡異月盈虧壯志誠難奪良辰豈復追甯牛終夜永潘鬢去年衰予今始三十二去歲已生白髮溟渤深

那測穹蒼意在誰馭方輕驥裏車肯重辛夷卧轍希濡沫低顏受領頤世情焉足怪自省固堪悲溷鼠虛求潔籠禽方訶飢猶勝憶黃犬幸得早圖之

御定全唐詩卷四百五

集部

欽定四庫全書
欽定全唐詩卷一萬七千八百十一

御定全唐詩卷四百六

元稹

紀懷贈李六戶曹崔二十功曹五十韻

昔冠諸生首初因三道徵公卿碧墀一作雞會名姓白麻

雞

會

名姓白麻

稱日月光遙射煙霄志漸宏榮班聯錦繡諫紙一作賜路賜

牋藤便欲一作務呈肝膽何言犯股肱椎埋衝斗劍消碎

瑩壺冰赤縣纔分務青驄已迥乘因騎度海鶻擬殺敵

天鵬縛虎聲空壯連鼇力未勝風翻波竟蹙山壓勢逾
崩璆辱徒相困蒼黃性不能酣歌離峴頂負氣入江陵
革表當蟾魄高樓挂玉繩角聲悲掉蕩城影暗稜層軍
幕威容盛官曹禮數兢心雖出雲鶴身尚觸籠鷹竦足
良甘分徘徊苦未曾通名參將校抵掌見親朋煦沫求
涓滴滄波怯斗升荒居鄰鬼魅羸馬步碗殘白草堂簷
短黃梅雨氣蒸霑黏經汗席颭閃盡油燈夜怯餐膚蚋
朝煩拂面蠅過從愁厭賤專靜畏猜仍旅寓誰堪託官

聯自可憑甲科崔並鴛杜史李齊昇共展排空翼俱遭
激遠矰他鄉元易感同病轉相矜投分多然諾忘言少
愛憎誓將探肺腑恥更辨淄澑會宿形骸遠論交意氣
增一心吞渤海戮力拔嵩恒語到磨圭角疑消破弩微
吹噓期指掌患難許擔簷鏃翩鸞棲棘藏鋒箭在弸雪
中方覩桂木上莫施眉且泛夤汎水薰過被病僧有時
鞭欵段盡日醉儻登躡屐看秧稻敲船和採菱叉魚江
火合喚客谷神應嘯傲雖開口幽憂復滿膺望雲鰐撥

刺透匣色騰凌每想潢池寇猶稽赤族懲夔龍勞算畫
貔虎帶威稜逐鳥忠滑奮懸旌意遠凝弦弓思徹札絆
驥悶牽綰運甓調辛苦聞雞屢寢興閒隨人兀兀夢聽
鼓鼙鼙班筆行看擲黃陂莫漫澄駒鱗高閣上須及壯
時登

答姨兄胡靈之見寄五十韻

并序

九歲解賦詩飲酒至斗餘乃醉時方依倚舅族舅
憐不以禮數檢故得與姨兄胡靈之之輩十數人

為晝夜遊日月跳擲於今餘二十年矣其間悲歡
合散可勝道哉昨枉是篇感徹肌骨適白翰林又
以百韻見貽余因次酬本韻以答貫珠之贈焉於
吾兄不敢變例復自城至生凡次五十一字靈之
本題兼呈李六侍御是以篇末有云

憶昔鳳翔城齠年是事榮理家煩伯舅相宅盡

茲引

吾

兄詩律蒙親授朋遊忝自迎題頭筠管漫教射角弓醉
靈之善筆矮馬馳鬢蹠^音牛獸面纓對談依赳赳送
札習騎射

客步盈盈米榦諸賢讓蠡杯大戶傾一船席外語三榦

拍心精傳盞加分數橫波擲目成華奴歌淅淅娟子舞

卿卿

軍大夫張生好屬詞多妓樂歌者華奴善歌淅淅鹽又有舞者娟子每能令禁言張生常令相撓

鬪設狂為好誰憂飲敗名屠過隱朱亥樓夢古秦羸玉

樓在鳳翔城北角

環坐唯便草投盤暫廢觥春郊纔爛熳夕鼓

已砰轟往苒移灰琯喧闊塞兵糟漿聞漸足書劖訝

無成抵壁慙虛棄彈珠覺用輕遂籠雲際鶴來狎谷中

鶯學問攻方苦篇章興太清囊疎螢易透錐鈍股多坑

筆陣戈矛合文房棟桷擣豆萁才敏雋羽獵正崢嶸岐

下尋時別京師觸處行醉眠街北廟閒繞宅南營

予在靖

安北街靈之時

寓居永樂南

柳愛凌寒軟梅憐上番驚

街廟中予宅又南鄰努營

柳愛凌寒軟梅憐上番驚

紀事作玉雪輕

觀松青黛笠欄藥紫霞英

開元觀古松五株靖安宅牡丹數本皆叢

時遊行盡日聽僧講通宵詠月明正耽幽趣樂旋被宦

途繁吏晉資材枉留秦歲序更

時靈之作吏平陽予酬校秘閣自此分散我

鬢鬟數寸君髮白千莖芸閣懷鉛暇姑峰帶雪晴何由
身倚玉空覩翰飛瓊世道難於劙讒言巧似笙但憎心

可轉不解跼如擎始効神羊觸俄隨旅鴈征孤芳安可

駐五鼎幾時烹潦倒沉泥滓欹危踐矯衡登樓王粲望

落帽孟嘉情

龍山落帽臺去府城二十里

巫峽連天水章臺塞路荆

章華臺去府十里

雨摧漁火燄風引竹枝聲分作屯之蹇那知

困亦亨官曹三語掾國器萬尋楨

此後多述李君定交之由用報靈之兼呈

之逸傑雄姿迥皇王雅論評蕙依潛可習雲合定誰令

原燎逢永井鴻流值木罌智囊推有在勇爵敢徒爭迅
拔看鵬舉高音侍鶴鳴所期人拭目焉肯自佯盲鉛鈍

丁寧淬蕪荒展轉耕窮通須豹變
攫搏笑狼獰媿捧芝蘭贈還披肺腑呈此生如未死未擬變平生

一本云今日負平生

酬許五康佐

次用本韻

奮迅君何晚羈離我詎儕鶴籠閒警露鷹縛悶牽韁蓬閣深沉省荆門遠慢州課書同吏職旅宦各鄉愁白日傷心過滄江滿眼流嘶風悲代馬喘月伴吳牛枯涸方窮轍生涯不繫舟猿啼三峽雨蟬報兩京秋珠玉慙新贈芝蘭忝舊游他年問狂客須向老農求

送崔侍御之嶺南二十韻

并序

古朋友別皆贈以言况南方物候飲食與北土異其甚者夷民喜聚盡祕方云以含銀變黑為驗攻之重雄黃海物多肥腥啖之好嘔泄驗方云備之在鹹食嶺外饒野菌視之蟲蠹者無毒羅浮生異果察其鳥啄者可餐大抵珠璣瓊瑣之所聚貴潔廉湮鬱暑濕之所蒸避溢慾其餘道途所慎離愴之懷盡之二百言矣敘不復云

漢法戎施幕秦官郡置監蕭何歸舊印

自江陵鮑永授
士曹拜魚

新銜幣聘雖盈篋泥章未破緘蜘蛛懸絲繚繞鵲報語詰

謗再礪神羊角重開憲簡函

崔君前任御史輩纓驄赴赴綏已為

珮繡參參逸翮憐鴻翥離心覺刃劙聯游虧片玉洞照

失明鑒遙想車登嶺那無淚滿衫茅蒸連螢氣衣漬度

梅鹽象鬪緣谿竹猿鳴

一作帶雨

杉颶風狂浩浩韶石

峻嶃嶢宿浦宜深泊祈瀧在至誠漳江乘

一作期

早度毒

草莫親芟試蠱看銀黑排腥貴食鹹菌須蟲已蠹巢重

鳥先鵠冰瑩懷貪水霜清顧頭一作痛巖珠璣當盡擲薏
以詎能讒荆俗欺王粲吾生問季咸遠書多不達勤為
枉搘搘

酬段丞與諸基流會宿弊居見贈二十四韻次用

本韻

鳴局寧虛日閒窓任廢時琴一作詩書甘盡棄園井詎能
窺運石疑填海爭籌憶坐帷赤心方苦鬪紅燭已先施
蛇勢縈山合鴻聯度嶺遲堂堂排直陣哀哀逼羸師懸

劫偏深猛回征特險巇旁攻百道進死戰萬般為異日
玄黃隊令宵黑白幕研營看迥點對壘重相持善敗雖
稱怯驕盈最易欺狼牙當必碎虎口禍難移乘勝同三
捷扶顛望一詞一作楷希因送目便敢恃指縱奇退引防
邊策雄吟斬將詩眠牀都浪置通夕共忘疲曉雉風傳
角寒聚雪壓枝繁星收玉版殘月耀冰池僧請聞鐘粥
賓催下藥卮獸炎餘炭在蠟淚短光衰俛仰嗟陳跡殷
勤卜後期公私牽去住車馬各支離分作終身癖兼從

是事隱此中無限興唯怕俗人知

酬竇校書二十韻

次本韻

鷗鷺元相得杯觴每共傳芳遊春爛熳晴望月團圓調笑風流劇論文屬對全賞一作詠花珠並綴看雪璧常連竹寺荒唯好松齋小更憐潛投孟公轄狂乞莫愁錢塵土拋書卷槍籌弄酒權令誇齊箭道力鬪抹弓弦但喜添樽滿誰憂乏桂然漸輕身外役渾證飲中禪及我辭雲陛逢君仕圃田音微千里斷魂夢兩情偏足聽猿啼

雨深藏馬腹鞭官醪半清濁夷饍雜腥膻顧影無依倚
甘心守靜專那知暮江上俱會落英前歎曲生平在悲
涼歲序遷鶴方同北渚鴻又過南天麗句慙虛擲沉機
嬾強牽粗酬珍重意工拙定相懸

泛江翫月十二韻并序

予以元和五年自監察御史貶授江陵士曹掾六
月十四日張季友李景儉二侍御王文仲司錄王
衆仲判官兩昆季為予載酒炙選聲音自府城之

南橋一作淮一作乘攀月泛舟窮竟一夕予因賦詩以

紀之

楚塞分形勢羊公壓大邦因依一作朋濟多士子參畫一作量

盡敷庵岳壁閒相對荀龍自有雙歧將船載酒一作繫泊同

泛一作是月臨江遠樹懸金鏡深潭倒玉幢委波添淨練

洞照滅凝釭闌咽沙頭市靈瓏竹岸窗巴童唱巫峽海

客話神龍已困連飛盞猶催未倒釭飲荒情爛熳風棹

樂崕縱勝事他年憶一作愁雄一作心此夜降知君皆逸

盡

韻須為應筵撞

病卧聞幕中諸公徵樂會飲因有戲呈三十韻

濩落因寒甚沉陰與病偕藥囊堆小案書卷塞空齋脹腹看成鼓羸形漸比柴道情憂易適溫瘴氣難排治腫扶輕杖開門立靜街耳鳴疑暮角眼暗助昏霾野竹連荒草平陂接斷崖坐隅甘對鵠當路恐遭豺蛇蠱迷弓影鵬翎落箭矢晚籬喧鬪雀殘菊半枯荄悵望悲回鴈依遲傍古槐一生長苦節三省詎行怪奔北翻成勇司

南却是禹穹蒼真漠漠風雨漫喈喈彼美猶谿女其誰
占館娃誠知通有日太極浩無涯布卦求无妄祈天願
孔旨藏衰謀計拙地僻往還乘況羨蓮花侶方欣綺席
詣鈿車迎妓樂銀翰屈朋儕白紵頌歌黛同蹄墜舞釵
白紵同蹄皆樂人姓名纖身霞出海艷臉月臨淮籌箸隨宜放投
盤止罰哩紅娘留醉打觥使及醒差舞引紅娘拋打曲名酒中觥使席上職顧我潛孤憤何人想獨懷夜燈然槲葉凍雪墮墻
壞壁虛缸倚深爐小火理鼠驕銜筆硯被冷束筋骸畢

竟圖斟酌先須遣癘疾瘴疾之徒槍旗如在手籌箸色目那復敢

歲裏

酬友封話舊叙懷十二韻依次重用為韻

風波千里別書信二年稀乍見悲兼喜猶驚是與非身
名判作夢盃盃莫相違草館同牀宿沙頭待月歸春深
鄉路遠老去宦情微魏闕何由到荊州且共依人欺翻
省事官冷易藏威但擬馴鷗鳥無因用弩機開張圖一作
門卷軸顛倒醉衫衣葷菜銀絲嫩鱸魚雪片肥憐君詩

似湧贈我一作一踊馬筆如飛會遣諸伶唱篇篇入禁闈

送王協律游杭越十韻

去去莫悽悽餘杭接會稽松門天竺寺花洞若耶溪浣
渚逢新鑿蘭亭識舊題山經秦帝望一作莽辨越王棲

堤一作江樹春常早城樓月易低鏡呈一作澄湖面出一作帶

雲疊海潮齊章甫官人戴蓴絲婉女提長干迎客鬧小
市隔煙迷紙亂紅藍壓甌凝碧玉泥荆南無抵一作物底

來日爲儂攜

送東州馬逢侍御使四十韻

風水荆門潤文章
蜀地豪眼青賓禮重眉白衆情高思
勇曾吞筆投虛憒
用刀詞鋒倚天劍學海駕雲濤南郡
傳紗帳東方讓錦袍旋吟新樂府便續古離騷
雪岸猶封草春江欲滿槽錢筵君置醴隨俗我餉糟莫歎巴三
峽休驚鬢二毛流年等頭一作間過人世各勞勞

御定全唐詩卷四百六

欽定四庫全書會要卷一萬七千八百十二

集部

御定全唐詩卷四百七

元稹

酬盧祕書

并序

予自唐歸京之歲祕書郎盧拱作喜遇白贊善學士詩二十韻兼以見貽白詩酬和先出予草蹙末

暇皇

一作盧

頻有致師之挑故篇末不無憤辭其次

用本韻習然也

偶有衝天氣都無處世才未容榮路穩先踧禍機開分
久沉荆掾慙經廁柏臺理推愁易感鄉思病難裁夜伴
吳牛喘春驚羽鴈回北人腸斷送西日眼穿墮唯望魂
歸去那知詔下來涸魚千丈水彊燕一聲雷幽匣提清
鏡衰顏拂故埃夢雲期紫閣厭雨別黃梅親戚迎時到
班行見處陪文工猶畏忌朝士絕嫌猜新識蓬山傑深
交翰苑材連投珠作貫獨和玉成堆劇敵徒相軋羸師
亦自媒磨礪刮骨刃翻擲委心灰恐被神明哭憂為造

化災私調破葉箭定飲寥旗杯金寶潛砂礫芝蘭似草
萊憑君毫髮鑒莫遣翳莓苔

見人詠韓舍人新律詩因有戲贈

喜聞韓古調兼愛近詩篇玉磬聲聲徹金鈴箇箇圓高
疎明月下細膩早春前花態繁於綺闌情軟似綿輕新
便妓唱凝妙入僧禪欲得人人伏能教面面全延之一
清苦拘檢摩詰好因緣七字排居敬千詞敵樂天侍御
一作八兄

能為七言絕句贊善白君好作百韻律詩殷勤問太祝張君好去老通川謂

草漫裁章句須饒緊禁仙

奉和權相公行次臨闕驛逢鄭僕射相公歸朝
俄頃分途因以奉贈詩十四韻

帝下赤霄符搜求造化爐中台歸內座太一直南都黃
霸乘輶入王尊叱馭趨萬人東道送六纛北風驅棧閣
纔傾蓋闕門已合繡貫魚行邇迤交馬語踟蹰去速熊
羆兆來馳虎豹夫皆憐三易地今訏兩分途別路環山
雪離章運寸珠鋒鎚斷犀兕波浪沒蓬壺區宇聲雖動

淮河孽未誅將軍遙策畫師氏密訐謨漢上壇仍築褒
西陣再圖公方先二虜何暇進愚儒

酬樂天東南行詩一百韻并序

元和十年三月二十五日予司馬通州二十九日
與樂天於鄖東蒲池村別各賦一絕到通州後予
又寄一篇尋而樂天貺予八首予時瘧病將死一
見外不復記憶十三年予以赦當遷簡省書籍得
是八篇吟歎方極適崔果州使至為予致樂天去

年十二月二日書書中寄予百韻至兩韻凡二十

四章屬李景信校書自忠州訪予連牀遞飲之間

悲咤使酒不三兩日盡和去年已來三十二章皆

畢李生視草而去四月十三日予手寫為上下卷

仍依次重用本韻亦不知何時得見樂天因人或

寄去通之人莫可與言詩者唯妻淑在旁知狀其本

卷尋時於峽州面付樂天別本都在唱
和卷中此卷唯五言大律詩二首而已

我病方吟越君行已過湖

元和十年閏六月至通州染瘴危重八月聞樂天司馬江

川去應緣直道哭不為窮途亞竹寒驚牖空堂夜向隅

暗魂思背燭危夢怯乘桴

此後每聯之內半述已坐痛蜀土風半述江鄉物產

痛

筋骸憊旁嗟物候殊雨蒸蟲沸渭浪湧怪睢盱索綆飄

蚊蚋蓬麻甃舳艤短簷占稻草微俸封

去聲漁租泥去浦聲

喧撈蛤荒郊險鬪鱉鯨吞近溟漲猿鬧接黔巫苦屬泅

牛婦丫頭蕩漿夫酢醅荷裹賣醻酒水淋沽

巴民造酒如淋醋法

舞態翻鶴鵠歌詞咽鷓鴣夷音啼似笑蠻語謎相呼江

郭船添店山城木豎鄂吠聲沙市犬爭食墓林烏獵俗

誠堪憚妖神甚可虞欲令仁漸及已被瘞潛圖膳減思
調鴟行稀恐蠹樞雜尊多割鱠和黍半蒸菰綠糉新菱
實金丸小木奴巴橘酸澁芋羹真斃淡臘炙漫塗蘇魚
鼈那勝羣烹鮓只似鱸通州俗以魚為鱸楚風輕似蜀巴地濕
如吳氣濁星難見州斜日易晡通宵但雲霧未酉即桑
榆此後並言巴中風俗瘴窟蛇休蟄炎溪暑不徂張魂陰叫嘯鵬
貌晝踟蹰鄉里家藏蠶官曹世乏儒敏縕偷印信傳箭
作符繡椎髻拋巾幘鏑刀代轆轤當心鞘銅鼓背弓射

特皆非十上徒白麻雲色膩墨詔電光麤衆口貪歸美
何顏敢妬妹秦臺納紅旭鄼匣洗黃爐諫獵寧規避彈
豪詎囁嚅肺肝憎巧曲蹊徑絕繁迂誓遣朝綱振忠饒
翰苑輸元和四年為監察御史樂天為翰林學士驥調方汗血蠅點忽成盧
遂謫栖遑掾還飛送別孟痛嗟親愛隔顛望友朋扶狸
病翻隨鼠驄羸返作駒物情良狗俗時論太誣吾瓶罄
罍偏心松摧柏自枯虎雖遭陷穿龍不怕泥塗此已上並述五

年貶掾江陵樂天亦遭罷詩鑠

重喜登賢苑方欣佐伍符

九年樂天除太子贊善子

從事唐判身入矛戟輕敵比鎗銖驛騎來千里天書下
州也

九衢因教罷飛檄便許到皇都

十年春自唐州詔予召入京

舟敗罷

浮漢驂疲杖過邗郵亭一蕭索烽候各崎嶇餽餉人推

輶誰何吏執殳拔家逃力役連鑠責

音債逋

誅防戍兄兼

弟收田婦與姑縫絹工女謁青紫使臣紆望國參雲樹

歸家滿地蕪破窗塵掩掩幽院鳥鳴鳴

此已下並言靖安里無人居觸

目荒祖竹聚新筍孫枝壓舊梧晚花狂蛱蝶殘蒂宿茱

萸始悟摧林秀因銜避繳蘆文房長遣閑經肆未曾鋪

鶴鷺方求侶
鳩鶩已嚇雛
徵還何鄭重
斥去亦須臾

遞投遐徼蒼黃出
奧區通川誠有咎
溢口定無辜

三月積之

通川八月樂天之江州
利器從頭匣
剛腸到底刳
薰蕕任盛貯
梯

裨莫超踰公幹經時卧
鍾儀幾歲拘光陰
流似水蒸瘴熱
於鑪薄命知然也
深交有矣夫救焚期骨肉
投分刻

肌膚

本題云寄澧州李十一舍人果州崔二十二員外開州韋大員外通州元九侍御庾三十二補闕杜

十四拾遺李二十助教寶七校書兼投弔席八舍人
二妙馳軒陛三英詠袴襦

庚三

十二杜十四並居北省李十
一崔二十二韋大各典方州
李多嘲蝘蜓寶數集蜘蛛

李二十雅善歌詩固多咏物之作
寶七頻改宮銜屢有蜘蛛之喜 數子皆奇貨唯予獨

朽株邯鄲笑匍匐燕趙受揶揄嬾學三間憤甘齊百里

愚耽眠稀醒素憑醉少嗟吁學問徒為爾書題盡已于

別猶多夢寐情尚感凋枯近喜司戎健尋傷掌誥徂今日

得樂天書六年間席八發士元名位屈伯道子孫無舊好飛瓊翰新

詩灌玉壺幾催閒處泣終作苦中娛廉闇聲相讓燕秦

勢豈俱此篇應絕倒休漫捋鬚髮樂天戲題篇末云此

篇擬打足下寄容州

詩故有

戲譽

和樂天送客遊嶺南二十韻

次用本韻

我自離鄉久君那度嶺頻一杯魂慘澹萬里路艱辛江
館連沙市瀧船泊水濱騎田迴北顧銅柱指南鄰大壑
浮三島周天過五均波心湧樓閣規外布星辰交廣間
南極浸
高北極浸低圓規度外星辰至衆
大如五曜者數十皆不在星經
彌彌穿筒格猩猩置
履馴郭璞云嚮嚮交廣山谷間有之南人俗法嘗用竹
筒穿臂以受之佛拂執臂輒笑笑則唇蔽兩目人
因自筒中出手以釘釘之於樹猩猩嗜酒好屐南人嘗以
美酒置於其所且排十數屐猩猩見之驟相謂曰吾既
就擒矣然而漸飲至醉醉則穿破屐而行既不能去相
與泣而見獲故吳都賦曰猩猩啼而就擒嚮嚮笑而被

格蓋貢兼鮫女絹俗重語兒巾

南方去京華絕遠冠冕不到唯海路稍通吳中

商肆多榜云此舶主腰藏寶

南方呼波斯為舶主胡人異寶多自懷藏以避強丐

黃家岩

柴去聲南夷之區落

起塵歌鍾排象背炊爨上魚身

夷民大陳

設則巨象背上作樂大魚出浮身若洲島

海人泊舟於旁因而炊爨其上魚不之覺

電白雷山接

旗紅賊艦新島夷徐市種廟覲趙佗神鳶跕方知瘴蛇

蘇不待春曙潮雲斬斬夜海火燐燐

海水夜擊之則盡如火蓋陰火潛然

之謂冠冕中華客梯航異域臣果然皮勝錦吉了舌如

人風一作點秋茅葉煙埋曉月輪定應玄髮變焉用翠

毛珍句漏沙須買貪泉貨莫親能傳稚川術何患隱之貧

獻榮陽公詩五十韻

并啓

啓今月十七日公會儒於便廡稹亦謬容末席公出棠樹之首章且識其目曰客有前進士韋張在宋來會學由我而下聯爲五言以美之諸生帖帖竦竦各盡詞以獻公公則舉其榷敵推案析理次至數聨應若前定諸儒有不安者隨爲剖削變嫫

為妍不廢幕而珠貫成就瑕不可掩者積六聯耳
退而自咎且盛公之所為因而次用所聯翩賢等
五十一字合為一詩止詠公之詞業力翰洎生徒
學校之事而已也其於勲位崇懿在國籍族地清
甲編世家政事德美播謳謠儉仁慈愛被親戚非
小儒造次之所盡大凡受褊狹者不可以語大持
杯棬而承澍雨自滿而止又安能測其霧沛之所
至哉惶恐無任俯伏待罪謹以啓陳不宣謹啓

鄭驛騎翩翩丘門子弟賢文翁開學日正禮聘途年

秀

才正暮榮陽公駿骨黃金買英髦絳帳延趨風肯蹀足
首薦登第也

侍坐各差肩解榻招徐稚登樓引仲宣鳳攢題字扇魚

落講經筵盛氣河包濟貞姿嶽柱天臯夔當五百鄒魯

重三千科斗翻騰取闕睢教授先

榮陽公察吏生徒受詩有百數

篆垂

朝露滴詩綴夜珠聯逸禮多心近焚書舊口傳陳尊修

尺牘阮瑀讓飛牋中的顏初啓抽毫踵未旋森羅萬木

合屬對百花全詞海跳波湧丈星拂坐懸戴馮遙避席

祖逖後施鞭西蜀凌雲賦東陽詠月篇勁芟鼈足斷精
貫蟲心穿浩汗神彌王飄颻興欲仙冰壺通皓雪綺樹
眇晴煙驅駕雷霆走鋪陳錦繡鮮清機登突奧流韻溢
山川墨客膺潛服談賓膝誤前張鱗定摧敗折角反吟
憐句句推瓊玉聲聲播管弦纖新撩造化湏洞幹陶甄
衛磬琤瑯鉤極齊竽僭濫偏空虛慙炎輶點竄許懷鉉憲
色秋來草衰吟雨後蟬自傷魂慘沮何暇思幽玄

積病二

年求醫在此榮陽
公不忍歸之瘴鄉
喜到樽罍側愁親几案邊菁華知竭

矣肺腑尚求旃抵滯渾成醉徘徊轉慕膻老歎才漸少
閒苦病相煎瓦礫難追琢芻蕘分棄捐漫勞成懇懇那
得美娟娟拙劣仍非速迂愚且異專移時停筆硯揮景
乏戈鋌儀舌忻猶在舒帷誓不褰會將連獻楚深心謬
游燕蒲有臨書葉韋充讀易編沙須披見寶經擬帶耕
田入霧長期閨持朱本望研輪轍呈曲直鑿枘取方圓
呼吸寧徒爾霑濡豈浪然過簫資響亮隨水漲淪連惜
日看圭短偷光恨壁堅勤勤彫朽木細細導蒙泉傳癖

今應甚頭風昨已痊丹青公舊物一為變蚩妍

御定全唐詩卷四百七

欽定四庫全書
全唐詩卷四百八

集部

御定全唐詩卷四百八

元稹

酬樂天江樓夜吟稹詩因成三十韻次用本韻

忽見君新句君吟我舊篇見當巴徼外吟在楚江前思
鄙寧通律聲清遂扣玄三都時覺重一顧世稱妍排韻
曾遙答分題幾共聯昔憑銀翰寫今賴玉音宣布鼓隨
椎響坯泥仰匠圓鈴因風斷續珠與調牽絲阮籍驚長

嘯商陵怨別弦猿羞啼月峽鶴讓警秋天志士潛興感
高僧暫廢禪興飄滄海動氣合碧雲連點綴工微者吹
噓勢特然休文徒倚檻彥伯浪回船伎樂當筵唱兒童
滿巷傳改張思婦錦騰躍賈人牋魏拙虛教出曹風敢
望痊定遭才子笑恐賺學生癲裁什情何厚飛書信不
專隼猜鴻蓄縮虎橫犬迹遭水墨看雖久瓊瑤喜尚全
纔從魚裏得便向市頭懸夜置堂東序朝鋪座右邊手
尋韋欲絕淚滴紙渾穿甘蔗銷殘醉醍醐醒早眠深藏

那遽滅同詠苦無緣雅羨詩能聖終嗟藥未仙五千誠
遠道四十已中年

諸葛亮云揚州萬里潯陽向暗魄多
餘五千僕今年忽已四十一暗魄多

相夢衰容每自憐卒章還慟哭蚊蚋溢山川

酬樂天待漏入閣見贈

時樂天為中書舍人予任翰林學士

未勘銀臺契先排浴殿闕沃心因特召丞旨絕常班丞

學士在諸

颺閃才人袖

思政對學士往
往官傳詔

嘔鷗輶舉鑼宮

花低作帳雲從積成山密視樞機草偷瞻咫尺顏恩垂
天語近對久漏聲閒丹陛曾同立金鑾恨獨攀筆無鴻

業潤袍媿紫文殷河水通天上瀛州接世間謫仙名籍
在何不重來還

酬樂天早春閒遊西湖頗多野趣恨不得與微
之同賞因思在越官重事殷鏡湖之遊或恐未
暇因成十八韻見寄樂天前篇到時適會予亦
宴鏡湖南亭因述目前所睹以成酬答末章亦
示暇誠則勢使之然亦欲粗為恬養之贈耳

浙東

作時

雁思欲回賓風聲乍變新各攜紅粉伎俱伴紫垣人水

面波疑縠山腰虹

音似巾

柳條黃大帶芙蓉

封莢

綠文草根

首雪盡纏通屐汀寒未有蘋向陽偏麗羽依岸小游鱗

浦嶼崎嶇到林園次第巡墨池

憐嗜學丹井羨登真逸少

墨池稚川丹井皆越中異跡

雅歎游方盛聊非意所親白頭辭北闕

少

滄海是東鄰問俗煩江界蒐畋想渭津故交音訊少歸

夢往來頻獨喜同門舊皆為列郡臣三刀連地軸一韋

礙車輪尚阻青天霧空瞻白玉塵龍因雕字識犬為送

書馴勝事無窮境流年有限身嬾將閒氣力爭鬪野塘春

江邊四十韻

官為修宅卒然有作因招李六侍御此後並江陵時作

官借江邊宅天生地勢拗欹危饒壞構迢遞接長郊怪鵬頻棲息跳蛙頗混殺總無離繳繞尤怕虎咆哮停潦魚招獵空倉鼠敵貓土虛煩穴蟻柱朽畏藏蛟蛇虺吞簷雀豺狼逐野鷹犬驚狂浩浩雞亂響寥寥濩落貧甘守荒涼穢盡包斷簾飛熠耀當戶網蠣蛸曲突翻成沼

行廊却代庖
橋橫老顛
扶馬病裏芻
一一牀頭點連
連砌下泡辱泥
疑在絳避雨
想經崎相顧
憂為鼈誰能復繫匏
誓心來利往卜
食過安爻何計逃
昏塾移文報舊交
棟梁存伐木苦蓋愧分茅
金琯排黃狹琅玕囊翠
梢花博水面鬪鴛瓦玉聲敲方礎
荆山採修椽郢匠鉋
隱錐一作椎
雷震蟄破竹箭鳴骸正寢初停午頻眠欲轉
胞困圓收一作故
薄祿厨敝備嘉肴各各人寧宇雙雙燕
賀巢高門受車轍
華廡稱蒲捐尺寸皆隨用毫釐敢浪

拋篋餘籠白鶴枝

集本
缺

賸架青鷄製榻容筐篚施闕拒

斗筲欄干防沒井密室待持膠庭草傭工難園蔬稚子

培本圖閒種植那要擇肥碗綠袖勤勤數紅榴箇箇抄

池清流螃蟹瓜蠹拾蝟蟲曬篆看沙鳥磨刀綻海鮫羅

灰修藥竈築堦閣弓彌散誕都由習童蒙剩嬾教最便

陶靜飲還作解愁嘲近浦聞歸楫遙城罷曉鏡王孫如

有問須為併揮鞘

春六十韻

節應寒灰下春生返照中未能消積雪已漸少回風迎
氣邦經重齋誠帝念隆寵驤紫宸北天壓翠壇東仙仗
搖佳彩榮光答聖衷便從威仰座隨入大羅宮先到璇
淵底偷穿瓊珮龍館娃朝鏡晚太液曉冰融撩摘音別芳
情徧搜求好處終九霄渾可可萬姓尚忡忡晝漏頻加
箭宵暉欲半弓驅令三殿出乞與百蠻同直自方壺島
斜臨絕漠戎南巡暖一作珠樹西轉麗崆峒度嶺梅甘
坼潛泉脈暗洪悠悠鋪塞草冉冉著江楓蠶役投筐妾

耘催荷蓀翁既蒸難發地仍送賴歸鴻約畧環區宇殷

勤綺鎬豐華山青黛撲渭水碧沙蒙宿露清餘靄晴煙

塞迥空燕巢纔點綴鶯舌最惺惫膩粉梨園白臘脂桃

徑紅鬱金垂嫩柳畧畫委高籠地甲門闌大天開禁掖

崇層臺張舞鳳閣道架飛虹翹葉調神化集本缺鵠鸞鵠

至忠歌鍾一作聲齊錫宴車服獎庸功俊造欣一作興時用

閭閣賀歲豐倡樓妝燿燿一作歌細農野綠一作麥汎芳貴

主驕矜盛豪家恃賴雄偏需打球彩頻得鑄錢銅專設

擒楊若殊恩赦一作鄧通女孫新在內嬰稚近封公游
赫

行闋心樂詩書對面聾盤筵饒異味音樂斥庸工酒愛
油衣淺杯誇瑪瑙烘挑鬟玉釵髻刺繡寶裝攏啓齒呈
編貝彈絲動削蕙醉圓雙媚靨波溢兩明瞳但賞歡無
極那知恨亦充洞房閒窈窕庭院獨蕙蘿謝砌紫殘絮
班窗網曙蟲望夫身化石為伯首如蓬顧我沉憂士騎
他老病聽靜街乘曠蕩初日接瞳朧飲敗肺常渴魂驚
耳更聰虛逢好陽豔其那苦昏憮惄還移步持疑又

省躬慵將疲頰質漫走倦羸僅季月行當暮良辰坐歎
窮晉悲焚介子魯願浴沂童燧改鮮妍火陰繁掩澹桐
瑞雲低杳杳香雨潤濛濛藥溉分窠數籬裁備幼冲種
莎憐見葉護筍冀成筒有夢多為蝶因蒐定作熊漂沈
隨壞芥榮茂委蒼穹震動風千變晴和鶴一沖丁寧奪
芳侶須識未開叢

月三十韻

蓂葉標新朔霜豪引細輝白眉驚半隱虹勢訝全微涼

賸一作魄潭空洞虛弓雁畏威上弦何汲汲佳色轉依依

綺幕殘燈斂妝樓破鏡飛玲瓏穿竹樹岑寂思憐迴照
愛規將合行看望已幾絳河冰鑑朗黃道玉輪巍迥照
偏瓊砌餘光借粉闌泛池相皎潔壓桂共芳菲的的當
歌扇娟娟透舞衣殷勤入懷什懇款墮雲圻素液傳烘
盞鳴琴薦碧徽椒房深肅肅蘭路靄霏霏翡翠通簾影
琉璃瑩殿扉西園筵璫東壁射蛾蟻老將占天陣幽
人釣石磯荷鋤元亮息回櫂子猷歸迢遞同千里孤高

淨九圍從星作風雨配日麗旌旗麟鬪寧徒設蠅聲豈
浪譏司存委卿士新拜出郊畿今古雖云極虧盈不易
遙珠胎方夜滿清露忽朝晞漸減姮娥面徐收楚練機
卞疑雕璧碎潘感竟牀稀捐簪辭班女潛波散處妃氛
埃誰定滅蟾兔杳難希須遣圓明盡良嗟造化非如能
付刀尺別為創璿璣

飲致用神麴酒三十韻

七月調神麴三春釀綠醑雕鷄荆玉盞烘透內丘餅試

滴盤心露疑添案上螢滿尊凝止水祝地落繁星翻陋
瓊漿濁唯聞石髓馨冰壺通角簾金鏡徹雲屏雪映煙
光薄霜涵霽色冷蚌珠懸皎皛桂魄倒灑溟晝灑蟬將
飲宵揮鶴誤聆琉璃驚太白鍾乳訝微青詎敢辭濡首
笄憐可鑒形行當遣俗累便得造禪扃何憚說千日甘
從過百齡但令長泛蟻無復恨漂萍膽壯還增氣機忘
反自冥甕眠思畢卓糟籍憶劉伶髮鬚中聖日希夷夾
大庭眼前須底物座右任他銘刮骨都無痛如泥未擬

停殘觴猶漠漠華燭已熒熒真性臨時見狂歌半睡聽
喧闐爭意氣調笑學娉婷酩酊焉知極羈離忽暫寧雞
聲催欲曙蟾影照初醒咽絕鶻啼竹蕭撩雁去汀遙城
傳漏箭鄉寺響風鈴楚澤一為梗堯階屢變蕡醉荒非
獨此愁夢幾曾經每恥窮途哭今那客淚零感君澄醴
酒不遣渭和涙

感石榴二十韻

何年安石國萬里貢榴花迢遞河源道因依漢使槎酸

辛犯憲領顛賴涉龍沙初到標珍木多來比亂麻深拋
故園裏少種貴人家唯我荊州見憐君胡地賒從教當
路長兼恣入檐斜綠葉裁煙翠紅英動日華新簾幕透
影疎牖燭籠紗委作金爐燄飄成玉砌瑕乍驚珠綴密
終誤繡幃奢琥珀烘梳碎燕支嬾頰塗風翻一樹火電
轉五雲車絳帳迎宵日笑蕪綻早牙淺深俱隱映前後
各分葩宿露低蓮臉朝光借綺霞暗虹徒繳繞濯錦莫
周遮俗態能嫌舊芳姿尚可嘉非專愛顏色同恨阻幽

遐滿眼思鄉淚相嗟亦自嗟

度門寺

北祖三禪地

神秀禪師造

西山萬樹松門臨溪一帶橋映竹

千重翦鑿基階正色藏景氣濃諸巖分院宇雙嶺抱垣

墉舍利開層墻香爐占小峰道場居士置經藏大師封

太子知裁植神王守要衝由旬排講座丈六寫真容佛

語迦陵說僧行猛虎從修羅擡日拒樓至拔霜鋒畫井

垂枯朽穿池救喰鳴蕉非難敗壞槿喻轉丰茸寶界留

遺事金棺滅去蹤鉢傳烘瑪瑙石長翠芙蓉影帳紗全
落繩牀土半壅金棺已下竝寺中所有荒林迷醉象危壁亞盤龍

行色憐初月歸程待曉鐘心源雖了了塵世苦憧憧宿
蔭高聲懾齋糧并力春他生再來此還願總相逢

大雲寺二十韻

地勝宜臺殿山晴離垢氛現身千佛國護世四王軍碧
耀高樓瓦頽飛半壁文鶴林紫古道雁墖沒歸雲幡影
中天颶鐘聲下界聞攀蘿極峰頂游目到江瀆馴鵠閒

依綴調猿靜守羣虎行風捷獵龍睡氣氤氳獲稻禪衣
卷燒禽劫火焚新英逢蟲采掇荒草象耕耘鉢付靈童洗
香教善女熏果枝低署晉花雨澤零零示化維摩疾降
魔力士勲聽經神變見說偈鳥紛紜上境光猶在深谿
暗不分竹籠煙欲暝松帶日餘曛真諦成知別迷心尚
有云多生沈五蘊宿習樂三墳諭鹿車雖設如蠶緒正
棼且將平等義還奉聖明君

和友封題開善寺十韻

依次重用本韻

梁王開佛廟。雲構歲時遙。珠綴飛閒鵠。紅泥落碎椒燈籠。
青燄短香印白灰。銷古匣收遺。施行廊畫本。朝藏經
霧雨爛魔女。捧花嬌亞樹。牽藤閣橫查。壓石橋竹荒新。
筍細池淺小魚跳。正琉璃瓦僧鋤芍藥苗。旋叢茶嫩葉。
偏把柳長條。便欲忘歸路。方知隱易招。

御定全唐詩卷四百八

謹案卷四百五第五頁前六行來句有永懸沾藥

大刊本來訛本今改

卷四百六第一頁前六行榮班聯錦繡按長慶集

聯作張


第一頁前七行消碎瑩壺水按長慶集消碎作消

澈

卷四百八第七頁前五行素液傳烘蓋刊本液訛

夜據長慶集改





總校官庶吉士臣張能照

校對官庶吉士臣何思鈞

謄錄監生臣許祖懷

欽定四庫全書叢要

集部

御定全唐詩卷四百九至十二

欽定四庫全書
會要卷一萬七千八百十四集部

御定全唐詩卷四百九

元稹

牡丹二首

此後竝是校
書郎以前作

繁綠陰全合衰紅展漸難風光一擡舉猶得暫時看
繁葉風頻壞裁紅雨更新眼看吹落地便別一年春

象人

被色空成象觀空色異真自悲人是假那復假為人

與楊十二巨源盧十九經濟同遊大安亭各賦

二物各為五韻探得松石

片石與孤松曾經物外逢月臨棲鶴影雲抱老人峰蜀客君當問秦官我舊封積膏當琥珀新劫長芙蓉待補蒼蒼去穆柯早變龍

賦得春雪映早梅

飛舞先春雪因依上番梅一枝方漸秀六出已同開積素光逾密真花節暗催搏風飄不散見睂忽偏摧郢曲

琴空奏羌音笛自哀今朝兩成詠翻挾昔人才

賦得玉卮無當

韻取危字

共惜連城寶翻成無當卮詎慙君子貴深訝巧工隳泛
蟻功全小如虹色不移可憐殊礲石何計辨糟醨江海
誠難滿盤筵莫忘施縱乘斟酌意猶得對光儀

賦得數蓂

元和中作

將課司天歷先觀近砌蓂一旬開應月五日數從星桂
滿叢初合蟾虧影漸零辨時長有素數閏或餘青墜葉

推前事新芽察未形堯年始今歲方欲瑞千齡

賦得九月盡

秋字

霜降三旬後賞餘一葉秋玄陰迎落日涼魄盡殘鉤半
夜灰移琯明朝帝御裘潘安過今夕休詠賦中愁

賦得雨後花

紅芳憐靜色深與雨相宜餘滴下纖葉殘珠墮細枝浣
花江上思啼粉鏡中窺念此低回久風光幸一吹

早歸

春靜曉風微凌晨帶酒歸遠山籠宿霧高樹影朝暉飲
馬魚驚水穿紅露滴衣嬌鶯似相惱含轉傍人飛

晚秋

竹露滴寒聲離人曉思驚酒醒秋簾冷風急夏衣輕寢
倦解幽夢虛閒添遠情誰憐獨欹枕斜月透窗明

送林復夢赴韋令辟

蜀路危於劍憐君自坦途幾回曾啖炙千里遠銜珠野
性便荒飲時風忌酒徒相門多禮讓前後莫相踰

憶楊十二

楊子愛言詩
春天好詠時
戀花從馬滯
聯句放杯遲日
映含煙竹風
牽卧柳絲南山
更多興須作白雲期

夜

綺樹滿朝陽
融融有露光
雨多疑澗錦
風散似分妝
葉密煙蒙火
枝低繡拂牆
更憐當暑見留
詠日偏長

新竹

新篁纔解籜
寒色已青葱
冉冉偏凝粉
蕭蕭漸引風
扶

踈多透日寥落未成叢惟有團團節堅貞大小同

秋相望

擔月驚殘夢浮涼滿夏衾
蠟蛸低戶網螢火度牆陰
爐暗燈光短牀空帳影深
此時相望久高樹憶橫岑

春病

病來閒卧久因見靜時心
殘月曉窗廻落花幽院深
望山移坐榻行藥步牆陰
車馬門前度遙聞哀苦吟

山竹枝

自化感寺攜來至
清源投之輞川耳

深院虎溪竹遠公身自裁多慙折君節扶我出山來貴
宅安危步難將混俗材還投鴻川水從作老龍回

悟禪三首寄胡果

近聞胡隱士潛認得心王不恨百年促翻悲萬劫長有
修終有限無事亦無殃慎莫通方便應機不頓忘

百年都幾日何事苦囂然晚歲倦為學閒心易到禪病
宜多宴坐貧似少攀緣自笑無名字因名自在天

近見新章句因知見在心春游晉祠水晴上霍山岑問

法僧當偈還丹客贈金甞驚頭欲白禪觀老彌深

東臺去

僕每為崔白二學士詰陶先生喜不遇事且曰僕得分司東臺即足以買山

家

陶君喜不遇予每為君言今日東臺去澄心在陸渾旋
抽隨日俸并買近山園千萬崔兼白殷勤承主恩

戴光弓

常評事見贈也

潞府筋角勁戴光因合成因君懷膽氣贈我定交情不
擬閒穿葉那能枉始生唯調一隻箭飛入破聊城

劉頤詩
并序

昌平人劉頤其上三世有義烈頤少落行陣二十
解屬文舉進士科試不就負氣狹路間病覽車鞍
板盡碎之罄囊酬直而去南歸唐州為吏所輒勢
不支氣屈自火其居出契書投火中繇是以氣聞
予聞風四五載而後見因以詩許之

一言感激士三世義忠臣破甕嫌妨路燒莊恥屬人迴
分遼海氣閒蹋洛陽塵儻使權由我還君白馬津

夜飲

燈火隔簾明竹梢風雨聲詩篇隨意贈杯酒越巡行漫唱江朝曲閒徵藥草名莫辭終夜飲朝起又營營

襄城驛

軍大夫嚴秦修

嚴秦修此驛兼漲驛前池已種千竿竹又一作更裁千樹梨四年三月半新筍晚花一作牡丹時悵望一作思向東川去等

閒一作偶然題作一作此詩

閒二首

晦澹洲煙白籬篩日脚紅江喧過雲雨船泊打頭風艇
子收魚市鴉兒噪荻叢不堪堤上立滿眼是蚊蟲

青衫經夏黑白髮望鄉稠雨冷新秋簾星稀欲曙樓連
鴻盡南去雙鯉本東流北信無人寄蟬聲滿樹頭

欲曙

江隄闊暗流漏鼓急殘籌片月低城堞稀星轉角樓鶴
媒華表上鷓鴣柳枝頭不為來趨府何因欲曙遊

寄胡靈之

早歲顛狂伴城中共
幾年有時潛步出連夜小亭眠月
影侵牀上花叢在眼前
今宵正風雨空宅楚江邊

夜雨

水怪潛幽草江雲擁廢居雷驚空屋柱電照滿牀書竹
瓦風頻裂茅檐雨漸疎平生滄海意此去怯為魚

酬李六醉後見寄口號

用本韻

頓愈頭風疾因吟口號詩文章紛似繡珠玉布如碁健
羨觥飛酒蒼黃日映籬命童寒色倦撫禪晚啼飢潦倒

慙相識平生頗自奇明公將有問林下是靈龜

歸田

時三十七

陶君三十七挂綬出都門我亦今年去商山漸岸郵冬
修方丈室春種桔槔園千萬人間事從茲不復言

緣路

總是玲瓏竹兼藏淺漫溪沙平深見底石亂不成泥煙
火遙邨落桑麻隔稻畦此中如有問甘被到頭迷

謂盧戡與予數約遊三寺戡獨沈醉而不行

乘興無羈束閒行信馬蹄路幽穿竹遠野迥望雲低素
帚茅花亂圓珠稻實齊如何盧進士空憇醉如泥

遣春三首

楊公三不惑我惑兩般全逢酒判身病拈花盡意憐水
生低岸沒梅蹙小珠連千萬紅顏輩須驚又一年

柳眼開渾盡梅心動已闌風光好時少杯酒病中難學
問慵都廢聲名老更判唯餘看花伴未免憶長安

失却遊花伴因風浪引將柳堤遙認馬梅徑誤尋香晚

景行看謝春心漸欲狂園林都不到何處枉風光

歲日

一日今年始一年前事空淒涼百年事應與一年同

湘南登臨湘樓

高處望瀟湘花時萬井香雨餘憐日嫩歲閏覺春長霞
刹分危榜煙波透遠光情知樓上好不是仲宣鄉

晚宴湘亭

晚日宴清湘晴空走鼈陽花低愁露醉絮起覺春狂舞

旋紅幕急歌垂碧袖長甘心出童羖須一盡時荒

酒醒

飲醉日將盡醒時夜已闌暗燈風微曉春席水窗寒未
解縈身帶猶傾墜枕冠呼兒問狼藉疑是夢中歡

御定全唐詩卷四百九